

DEO OPTIMO MAXIMO UNI ET TRINO, VIRGINI DEIPARÆ
ET SANCTO LUCEÆ ORTHODOXORUM MEDICORUM PATRONO.

QUESTIO MEDICA,
QUODLIBETARIIS DISPUTATIONIBUS MANE DISCUTIENDA

IN SCHOLIS MEDICORUM, DIE JOVIS X. JANUARI.

M. ANTONIO LE MOINE, Doctore Medico, Præsidente.

An statim à mensurorum effluvio concepti, firmioris valetudinis?

UT ad vivendum eo majori actionum diversitate indiget animal, quo præstantius est: sic ad bene vivendum earundem actionum integritate. Hanc firma valetudo optimum vite condimentum, efficit: quæ certam quamdam & determinatam partium constitutionem requirit, ut cùm à partibus exercentur actiones, eo modo eliciantur, quo partes dispositæ sunt. Sed cùm varæ multiplicisque obiri debebant, varia fuit fibrarum structura & dispositio, quæ unione perfectâ mutuo coherentes, in unum conspirant, ut partes, & ex his totum corpus, idque sanum efficiant. In statu naturali permanente corporis fabricâ, ritè functiones obeuntur omnes. Fluidas partes in motum agunt solida. Hæc inter & illa naturale stat æquilibrium. Viget corpus. Ad hoc laudabilis sanguinis crasis, ipsius principiorum inter se iusta connexio. Solidorum assiduus tritus, alterna Systole & Diastole. Fluidorum continuus fluxus & indefinens. Tunc sanum & vegetum vivit animal. Verùm cave ne sanitatem, cùm in actionibus debite obeundis illucescat, ab ipso agendi actu existimes. Sanus est non qui debite actiones itas obit, sed qui potest obire, undè ab innatâ potius exprimi debet, eas quæ secundum naturam sunt actiones exercendi potentia, à partium omnium naturali constitutione dependens.

PARTIUM constitutio ut & rerum cæterarum à materiâ quâdam dependet. Materiem duplicem habent naturâ eandem. Partes efformat una, efformatas altera nutrit & conservat. Illius nomine semen utriusque sexus intellige. Seminis muliebris nomen ovum. Hoc in actum exerit maris semen. Particulis subtilioribus sanguini sese immisceat. Ipsius circulatorio motu ad ovulum deferatur. Ovi veluti consopita fluida exagitat. Animatum ovum, siquæ jam procreatum animal nutrit albumen ovi, liquorem in amnio contentum. Simili toto vite curriculo liquore nutritur, lymphâ fibrosâ sanguinis parte. Pro variâ alimenti qualitate, varia sanguinis crasis, varia solidorum dispositio, diversa totius corporis fabrica. Corporis animalis æconomia solidis & fluidis regitur. Ab utrisque sanitas & firma valetudo, nam *ταύτην ἐστὶν ἀριστὴν τὴν σωματικὴν καὶ διὰ ταύτης ἀρχὴν καὶ ὑπόθεσιν*. Ut autem multum ad illam conservandam quibus alimentis nutriaris, interest: nam quales cibi, tales succi, qui licet in partium substantiam alterentur, eam tamen quam ab alimentis mutuati sunt qualitatem successione temporis, iidem partibus imprimunt: sic longè magis, quibuscumque humoribus sis conformatus, si quam enim in se labem habeant, ita fortiter eandem partibus imprimunt, ut toto vite curriculo deleri vix possit.

AD firmam illam valetudinem nativamque sanitatem, ex sanis parentibus & in ætate florenti constitutis procreari satis esse non credas. Quandiu fœtus in utero continetur, alimento opus habet, cuius in singulis partibus eo fortior impressio, quod dicitur: ne ovum. Huic subministrando destinata femina, quam idèo frigidiorè effinxit natura. Hæc quod tanquam naturæ tributum & vectigal aliquod singulis mensibus alio quam graviditatis & lactationis tempore soleat ab utero per vaforum *dragônum* effluere, menstrui sanguis dictus est, plethoræ & tritus effectus. Flores etiam apud mulieres nuncupatur, quod & in primo juvenutis flore, fructuum & fecunditatis index, ipsas floridas non decolores & cachecticas reddat: tantis enim commodis illas beat, ut ipsi Deam aliquam Flonium dictam sinnerint veteres. Mulieribus non ita propria hæc evacuatio, quin & viris quibuscumque accidit: sed ut eos mulierofilissimos reddat: ita si supprimatur in mulieribus, has pilis & barbâ crescentibus, viris aliquando similes facit. Toto vite tempore non perdurat, certis enim spatiis & incipit & definit, de quibus nihil audeas decernere, ut ne de quantitate, quæ consuetudine potius & *εὐπορίᾳ*, quam hominis Atticis, aut libris Parisiensibus definienda. Uterus ille purgantur quæ graciliores ac sanguineæ, fulcæ, *παχυσαρκες, διενεστές*, quæ sub regione frigidissimâ degunt, ac Veneri crebrius indigent: Ad hanc enim ut ad concipiendum omni tempore mulier paratissima, licet illo facilius peragi soleat conceptio, quo natura vel sanguinem illum excrevit, vel sese ad excernendum accingit.

CUM uterus, licet illecebrosæ voluptatis sedes, sit veluti sentina & cloaca, in quam natura totius corporis sedes & inquilinamenta commodè propter situm inferiorem demittit, menstrui effluentibus aut effluxuris, crispatis tunc fibris, & ad redundandam sanguinem expellendum dispositis, meatibusque magis apertis, copiosiori pravorum humorum fœdatur illuvie: Hinc, si generationem intendas, cùm sani potius, quam sexu vel individuo similis, debeat intendere, non nisi post mensurorum effluviū, expurgato sordibus ab istis utero, conceptionem exoptes. Tunc temporis parior ad ovum allabitur sanguis, & inde fœtus parius, per totum etiam graviditatis tempus, alimentum suppeditatur. Nec peris aliis impuriore portione derelictâ, fugi duntaxat ab infante puriore. Hæc enim propter continuitatem & contagium, etiam si qua est, corrumpitur, malignamque qualitatem acquirit ob copiam ac moram in utero, quæ major est & diuturnior in his quæ ante mensurorum eruptionem concipiunt. Unde cùm omnia quæ gravidis accidere solent symptomata, retentis à mensibus orientur, magis in istis exacerbata fervent, magis igitur ciborum à quibus optimus fit sanguis, fastidium, rerumque noxiarum & horrendarum planè depravatus magis appetitus ille picaceus, & pejor inde ac ferè venenata cacochymia succrescet, non fœta tantum, sed & fœtui perniciosa.

AN adeo intemperantiæ & voluptati servies, ut nullâ liberorum habita ratione, illud omne tempus, quo libidinis æstro pettus es, generationi felicissimæ commodum arbitris? Non-ne fuit ea semper naturæ lex, ut flores fructibus præmittantur? Uterus campus ille naturæ feracissimus sanguineo perfusus & irrigatus imbre, pravâ jam omni labe repurgatus, Veneri appertens avidè semen recipit, & fœtum blando sanguine fovet ac nutrit, quod alio tempore suffocaret & obrueret; ita ut quæ mensurui erumpentibus, aut jamjam erupturis hic conceptio, vel inanis, vel ad abortum paratissima, vel toto vite tempore debilis possit evadere. Sanguine quidem fœtus indiget, sed non tantâ copiâ quâ solet ante mensurui sanguinis effluxum coacervari hæc enim in quibuscumque sterilitatis causa, cum ipsis cruenta vomitio proficit ad concipiendum. Robustus & valentes fœtus viragines & laboriosæ mulieres edunt, quæ multum sanguinis discurrunt: quibus etiam nunquam fluxere, fœtus quod necessarium est suppeditant, redundanti non opprimunt. Ut igitur crudus, impurus & imperfectus sanguis, qualis propter exuberantiam, humorum per parentes ductus ruentium impetum & moris per decliviora facilitatem, solet esse qui jam effluit, vel effluxurus est, non tantum frigidam & humidam, idèoque à sanitate perfectâ deficiente intemperiem inducit, sed ipsa seminis principia obvit & obtundit; ita repurgatus, tunc crudiore portione, cum quantitate detractâ, embrioni nutrimentum idoneum suppeditat, & salubriori nutritione ovi principia exsuscitat, siquæ functiones omnes perbellè exercentur, excrementa debite excernuntur tolluntur morborum cause, & longè perfectæque sanitatis, ac firmæ valetudinis firmamenta constituuntur.

Ergo statim à mensurorum effluvio concepti, firmioris valetudinis.

DOMINI DOCTORES DISPUTATURI.

M. Joannes-Franciscus Gior.
M. Franciscus-Antonius le Dran.
M. Antonius le Moine, Actus Moderator.

M. Petrus-Antonius Lepy.
M. Elias Col de Vilars.
M. Henricus Besnier.

M. Andreas Cresse.
M. Armandus-Joseph Collot.
M. Philippus Caron.

Proponebat Parisiis JACOBUS-PHILIPPUS DAVIER DE BREVILLE, Parisinus, Baccal. Medicus;
A.R.S.H. MDCCXV.

Typis J. QUILLAU, Universitatis & Facultatis Medicinæ Typographi.